

13 APR 1997

Mesir - Lawatan

PERDANA MENTERI MESIR TIBA UNTUK LAWATAN TIGA HARI

KUALA LUMPUR, 13 April (Bernama) -- Perdana Menteri Mesir, Dr Kamal Ahmed El-Ganzoury tiba di sini malam ini untuk melakukan lawatan rasmi tiga hari ke Malaysia.

Ketibaan beliau di Lapangan Terbang Antarabangsa Sultan Abdul Aziz di Subang dekat sini disambut oleh Menteri Luar Datuk Abdullah Ahmad Badawi.

Dr Kamal akan diberi sambutan rasmi di Medan Parlimen esok.

Beliau dijadualkan menemui Perdana Menteri Datuk Seri Dr Mahathir Mohamad di Jabatan Perdana Menteri esok sebelum mengadakan rundingan dua hala.

Dr Kamal kemudian akan menghadap Yang di-Pertuan Agong Tuanku Jaafar di Istana Negara, di sini.

Beliau juga akan menghadiri taklimat di Unit Perancang Ekonomi di Jabatan Perdana Menteri dan melawat Menara Kuala Lumpur.

Dr Kamal akan diraikan oleh Dr Mahathir pada majlis jamuan di Sri Perdana malam esok.

Pada Selasa, Dr Kamal akan melawat ke Lembaga Kemajuan Perindustrian Malaysia (MIDA) diikuti dengan ceramah sambil jamuan tengah hari bersama anggota Dewan Perdagangan dan Perindustrian Kebangsaan Malaysia di sini.

Dr Kamal kemudian akan berlepas ke Singapura. -- BERNAMA

ARA FAZ